

Ontmoeting 6

Judas

Teks: Matteus 26:14-16, 20, 25-28

Hulpmiddels:

- ◆ Reël die week vooraf dat almal munte saambring.
- ◆ Speelklei
- ◆ Gekleurde papier, gom, penne en inkleurkryte
- ◆ Kopieë van die uitdeelstukke
- ◆ Brooddeeg



WELKOM

- ❖ Gebruik weer die dissipelkaarte, maar steek vooraf die Judas-kaartjie weg. Laat die groepe na die kaarte kyk en dan raai watter dissipel nie daar is nie. Hulle moet dan as groep saamwerk om die kaartjie (binne 3 minute) te gaan soek en te kyk of hulle reg geraai het.
- ❖ Sit muntstukke in 2 bakke water. Hulle verdeel in 2 spanne (of in meer spanne as daar meer kinders is). Elke span kry 2 breipenne of stokkies waarmee hulle dan munte moet uithaal. Die spanne tel dan hulle munte se rand-waarde op. Die span wat die meeste geld (rand-waarde) uitgehaal het, wen. Die geld word geskenk vir die "Kix na Kenia"-projek.
- ❖ Of speel 'n speletjie waar die spanlede vir mekaar munte met breinaalde of sosatiestokkies moet aangee.
- ❖ Munte vang: Maak vooraf 2 visstokke met 'n magneet as hoek aan die punt van die lyn. Spanlede moet dan munte uitvis uit 'n houer.
- ❖ Laat die kinders kyk hoe ver hulle munte kan rol of hoe lank hul munte kan tol.

Vandag gaan ons die storie hoor van 'n dissipel wat iets hartseer gedoen het.



WYDING

Sing die **temalied** (die Dissipelliedjie).

Stilword ritueel: Dink oor iets wat jy gedoen of gesê het die afgelope paar dae wat 'n ander mens seergemaak of hartseer laat voel het. Kan jy aan iets dink wat jy verkeerd gedoen het? Of dink aan 'n keer wat jy ongehoorsaam was. Bid elkeen by hom/haarself en vertel vir Jesus hiervan.

Deel 'n broodjie in die groeple met mekaar en sê vir mekaar die woorde: "Jesus vergewe jou!" (Of doen hierdie wydingsmoment aan die einde van die ontmoeting.)

Matteus 26:14-16, 20, 25-28 (diebybel@kinders)

(Verduidelik vooraf dat die woord “verraai” beteken om iemand onregverdiglik te beskuldig, hulle vertrou te verbreek, te jok oor hulle of jou belofte aan iemand te verbreek. Gebruik ‘n stuk brood en glas sap of dek ‘n nagmaaltafel terwyl jy vertel.)

“In hierdie tyd het Judas Iskariot, een van die twaalf dissipels, stil-stil na die leiers van die priesters gegaan. Hy sê vir hulle: ‘Hoeveel sal julle my betaal as ek julle help om Jesus te vang?’ ‘Dertig silwer muntstukke,’ antwoord hulle. Van toe af het Judas begin soek na die regte oomblik om Jesus te verrai.

Net na sonder het Jesus en sy twaalf dissipels die Paasete saam geëet. Terwyl hulle eet, sê Jesus: ‘Een van julle gaan my verrai.’ Hierdie woorde het die dissipels baie hartseer gemaak. Hulle sê toe vir mekaar: ‘Dit kan tog nie ek wees nie.’

Judas vra toe vir Jesus: ‘Gaan ek U dalk verrai?’ ‘Ja, dit is jy!’ antwoord Jesus.

Terwyl almal eet, vat Jesus ‘n stuk brood. Hy sê vir God daarvoor dankie en gee vir elkeen van die dissipels ‘n stukkie brood met die woorde: ‘Vat dit en eet! Want dit is my liggaam.’ Toe vat Jesus die beker met die wyn. Weer sê hy vir God daarvoor dankie en gee dit aan die dissipels met die woorde: ‘Dit is my bloed. Ek gaan my bloed vir julle gee sodat God nie meer kwaad is oor julle sonde nie.’”

(LW: Selfdood is ‘n baie sensitiewe onderwerp en die dood is ook soms vir kinders moeilik om oor te gesels en te verstaan. Gebruik dus goeie oordeel wanneer jy besluit of jy van Judas se dood wil vertel. Indien kinders oud genoeg is, kan ‘n mens kortliks vertel dat Judas Jesus toe wel verrai het vir 30 silwer muntstukke. Toe hy besef dat die godsdienstige leiers Jesus gaan doodmaak, het hy baie sleg gevoel daaroor en die geld vir hulle probeer terugneem. Hulle wou egter nie van plan verander nie. Judas het toe so sleg gevoel oor sy keuses dat hy homself gaan ophang het. (Lees Matteus 27: 1-5)

Die kinders kry tyd om oor die verhaal te dink:

1. Ek wonder hoekom wou Judas vir Jesus verrai.
2. Ek wonder hoe het Judas gevoel toe hy besef Jesus weet van sy planne om Hom te verrai.
3. Ek wonder hoe sou jy die verhaal wou laat eindig.
4. Ek wonder of jy al ooit sleg gevoel het oor iets wat jy gedoen het.

Vir ouer kinders:

Ek wonder hoekom het Jesus vir Judas ook nagmaal gegee? *(Moontlike antwoord: Hy het Judas vergewe, al kon Judas later homself nie vergewe nie.)*

(Verduidelik kortliks die simboliek van die brood en die wyn m.b.v. ‘n stuk brood en ‘n glasie sap.)

- Jesus het aan die kruis gesterf met sy liggaam (brood).
- Sy bloed het gevloei (sap/wyn).
- Die brood en wyn herinner ons aan Jesus wat vir al ons sonde betaal het.
- Jesus vergewe jou; maak nie saak wat jy gedoen het nie.
- Jesus aanvaar jou al het jy ‘n fout gemaak of al het jy ‘n slegte verlede of reputasie. Daarom kan ons ook onself en ander vergewe.
- Jesus het die nagmaal gegee as simbool om ons aan sy vergifnis en liefde te herinner.




- ✍ Verbind die kolletjies: brood en wynglas.
- ✍ Maak met speelklei 'n wynglas en broodjie. Of gebruik speelklei/gekleurde papier om die wyn en brood op die prent te plak of dit in te kleur.
- ✍ Broodjies bak – koop brooddeeg en elkeen kry 'n bolletjie om 'n broodjie mee te maak wat jul dan in die oond bak.

Ouer kinders:

- ✍ Hulle kan nagmaal aan mekaar bedien met broodjies en sap en eenvoudige woorde van “Jesus het jou vergewe en jy is Sy kind”. (*Maak eers seker dat jou kerkraad daarvoor toestemming gee.*)
 - ✍ Soek die woorde (“word search”): “Paasfees”.
 - ✍ Plak die kruis waarop staan “ten volle betaal” met muntstukke/bruin papier/boombas of kleur die kruis in.
- Sluit af met die **seënbede** soos in ontmoeting 1.

ten volle betaal




“Onthou My.”



Die brood en wyn help my om te onthou
dat Jesus aan die kruis gesterf het.
Hy het vir my sonde gesterf.
Daarom is ek vergewe!

PAASFEEES



- Paasfees
- Verbond
- Brood
- Wyn
- Beker
- Bloed
- Liggaam
- Dissipels
- Jesus
- Jerusalem
- Tafel

